

**PIGINNEQATIGIILLUNI INISSIAATILLIT PEQATIGIIFFIINUT
MALITTARISASSAT NALINGINNAASUT**

Ateq aamma angerlarsimaffigisaq

§ 1. Piginneqatigiilluni inissiatillit peqatigiiffiata atia tassaavoq Piginneqatigiilluni inissiatillit peqatigiiffiat XXXX. Piginneqatigiilluni inissiatillit peqatigiiffiata angerlarsimaffia tassaavoq XXXX kommune.

Siunertaq

§ 2. Piginneqatigiilluni inissiatillit peqatigiiffiata siunertaraa, piginneqatigiilluni inissiatillit peqatigiiffiini ilaasortat piginneqatigiilluni inissianik atugassaannik sananissaq, pisinissaq, pigisaqarnissaq aqutsinissarlu.

Ilaasortat

§ 3. Piginneqatigiilluni inissiatillit peqatigiiffiata illuutaani piginneqatigiilluni inissiamik atuisinnaatitaalersoq kisimi piginneqatigiilluni inissiatillit peqatigiiffianni ilaasortanngorsinnaavoq.

Imm. 2. Ilaasortaaneq piginneqatigiilluni inissiamut atuisinnaatitaaffigisamut taamaallaat tunngassuteqarsinnaavoq. Ilaasortaq taamaallaat piginneqatigiilluni inissiamik ataatsimik atuisinnaatitaaffeqarsinnaavoq.

Aallaqqaatissatut akiliut aamma ilassuteqarnerup aningaasartai

§ 4. Piginneqatigiilluni inissianik pisinissamik siunertaqarlutik piginneqatigiilluni inissiatillit peqatigiiffiata pilersinneqarnerani ilaasortanngortunut aallaqqaatissatut akiliutissat angissuserissavaat ilaasortap inigerusullugu kissaatigisaatut angissuseqartup atuisinnaatitaaffigisassaatalu pisiarineranut akigititaasup pisiarineranullu atatillugu aningaasartuutunik ilassusersimasup 5%-a.

Imm. 2. Ilaasortaq piginneqataassummik pisinissaminik uppenarsaalluni atsiortigani aallarniutitut akiliutissap angissusissaviatut ilimagisaq pillugu piginneqatigiilluni inissiatillit peqatigiiffiata siulittaasuanit aamma aningaaserisuanit ilisimatinnegassaaq. Aningaasat taamatut amerlassusillit ataatsikkut akilerneqassapput, imaluunniit ataatsimeersuartut aalajangiinerisigut Kalaallit Nunaanni aningaaseriviit arlaanni kontomut toqqorneqassallutik. Pisinissamut akigititassaq qanorpiaq angitigissanersoq akuerineqariarpat ataatsimeersuartut ilaasortat ataasiakkaat ilisimatissavaat qanorpiaq angitigisumik aallarniuteqassanersut, tamannalu pereerpat ilaasortap erngerluni akiliutissaminut sinneruttut akilissavai imaluunniit

akiliutissani sinnerlugit akiliisimaguni akiliivallaarutigisimasani utertissallugit.

Imm. 3. Peqatigiiffiup pilersinneqareernerata kingornagut nutaamik ilaasortanngortut aallaqqaatissatut akiliutip saniatigut tapiliussamik akiliteqartinneqartassapput, taamaalilluni aallaqqaatissatut akiliut tapiliussatullu akiliut katillutik §15 naapertorlugu akigitassatut akuerisaasumut naapertuuttussanngorlugit.

Imm. 4. Aallaqqaatissatut akiliut tapiliussatullu akiliut piginneqatigiilluni inissiatillit peqatigiiffiata aningaasaataannut akisussaaffinnut atorneqarsinnaasunngorlugit ilanngunneqassapput, taakkulu piginneqatigiilluni inissiatillit peqatigiiffiannit ernialersorneqartussaannngillat.

Pisussaaffiliineq

§ 5. Piginneqataasoq taamaallaat pisussaaffinnut piginneqatigiilluni inissiatillit peqatigiiffiannut attuumassuteqartunut aallaqqaatissatut akiliutigisimasami nalinginut akiliisussaataas innaavoq.

Imm. 2. Piginneqataasoq taassumaluunniit qimatai imm. 1 naapertorlugu akiliisussaataavoq, piginneqatigiilluni inissiap piginneqataasumit nutaamit tiguneqarnissaata tungaanut.

Piginneqataassut

§ 6. Piginneqataasut, piginneqataassutsit aggorlugit annertussusilerneqarnerat naapertorlugu, piginneqatigiilluni inissiatillit peqatigiiffiata pisuussutaanut piginneqataapput, takuuk Piginneqatigiilluni inissiat pillugit Inatsisartut inatsisaanni § 51.

Imm. 2. Piginneqataassutsit aggorlugit annertussusilerneqarnerat, piginneqatigiilluni inissiatillit peqatigiiffianni inigisap angissusaanut tamakkiisumut naleqqiullugu, piginneqatigiilluni inissiani piginneqataaffiusuni ataasiakkaani, piginneqatigiilluni inigisap angissusaa naapertorlugu naatsorsorneqartarpoq.

Imm. 3. Piginneqataasoq taamaallaat tunisinermi ilanngaattissat peereerlugit iluanaarutigisinnaasaminik tiguisinnaatitaasussamik piginnaatitsis innaavoq. Tiguisinnaatitaasup piginneqataassutip tunineqarnissaa piumasaris innaanngilaa. Tunisinermi iluanaarutaajunnartut kisimik eqqartuussivikkut suliassanngortinneqarsinnaapput. Akiitsoqarfigineqartup piginneqatigiilluni inissiap tunineqarnissaa siunertaralugu eqqartuussivikkut suliakkiissutigis innaanngilaa.

Imm. 4. Piginneqatigiilluni inissiatillit peqatigiiffianni siulersuisut piginneqataassutitut tamaginnut allattuiqqartitsissapput aamma piginnittoq, ulloq ilaasortaalerfik, inissiamut atuisinnaatitaaffik aamma ilanngaaseereerluni tunisinermi iluanaarutit ingerlaarneri allallugit.

Inissiamut akilersuut

§ 7. Inissiamut akilersuutip angissusissaa ataatsimeersuarnermi aalajangersarneqassaaq, taamatuttaaq piginneqatigiilluni inissianut ataasiakkaanut akilersuutit angissusii ataatsimeersuarnermi naleqqussarneqarsinnaapput, inissiamut akilersuutit annertussusaat piginneqatigiilluni inissianut naligitaasunut naapertuuttunngorlugit.

Imm. 2. Piginneqatigiilluni inissiatillit peqatigiiffiata piginneqatigiilluni inissiaataanni piginneqatigiilluni inissianut akilersuut katillugu sukkulluunniit angissusilerneqarsimassaaq, piginneqatigiilluni inissiatillit peqatigiiffiat inissianut akilersuutinit isertitaminit inissiat ingerlanneqarnerinut aningaasartuutunut matussusiisinnaanngorlugu, tassunga ilaallutik piginneqatigiilluni inissiatillit peqatigiiffiata taarsigassarsiaanun taarsersuutunut akiliutit kiisalu aserfallatsaaliinissamut sillimmatissatut illuartitat.

Imm. 3. Inissiamut akilersuut qaammammut siumoortumik akilerneqartassaaq.

Aserfallatsaaliuineq

§ 8. Piginneqatigiilluni inissiatillit peqatigiiffiata illuutaa inissiallu ataasiakkaat isumannaatumik aserfallatsaaliuineqassapput. Aserfallatsaaliuineq sanasut suliaattut pitsaassuseqarluni eqqortumik aammalu sanaartornermi pilersaarusionermilu inatsisinut atuuttunut naapertuuttumik ingerlanneqassaaq.

Imm. 2. Piginneqataasut ataasiakkaat piginneqatigiilluni inissiat iluanni aserfallatsaaliuinermut nutarterinerimullu aningaasartuutunut akisussaasuupput akiliisussaallutillu.

Imm. 3. Piginneqatigiilluni inissiatillit peqatigiiffiat illuutigisamut aamma piginneqatigiilluni inissiani ataasiakkaani aserfallatsaaliuinerit nutarterinerillu sinnerinut aningaasartuutunut akisussaasuvoq akiliisussaallunilu.

Imm. 4. Ataatsimeersuartut illup iluani silataanilu aserfallatsaaliuinissamut maleruagassanik, piginneqataasut ataasiakkaat ataqqissallugit naammassissallugillu pisussaaffigisaannik akuersisinnaapput.

Imm. 5. Siulersuisut pilersaarutaasumik ataavartumillu aserfallatsaaliuinissamut pilersaarusiussapput.

Imm. 6. Piginneqataasut ataasiakkaat ineqarnermut akilersuut aqqutigalugu pilersaarutaasumik ingerlaavartumillu aserfallatsaaliuinissamut akiliisinneqassapput.

Imm. 7. Piffissakkaartumik aserfallatsaaliuinissamut pilersaarummi piginneqatigiilluni inissiatillit peqatigiiffiata aamma piginneqataasut aserfallatsaaliuinissamut pisussaaffiitut killissat allatorneqassapput.

Imm. 8. Piginneqatigiilluni inissiatillit peqatigiiffiata missingersuutai sukkulluunniit pilersaarutaasumik piiffissakkaartumillu aserfallatsaaliuinissamut aningaasassanik naammattunik imaqartinneqassapput.

§ 9. Piginneqataasup illup iluani aserfallatsaaliuisussaataitanerminik sumiginnaasoq siulersuisut paasippassuk, siulersuisut piginneqataasoq allakkatigut piffissap naleqquttup, sukumiinerusumik aalajangerneqartup iluani aserfallatsaaliuinissamik peqqussavaat.

Piffissaliussap naanerata kingorna siulersuisut aserfallatsaaliuinissaq suliarineqarsimanersoq paasiniallugu inissiaq takuniassallugu pisinnaatitaapput.

Allannguinerit

§ 10. Piginneqataasoq inissiap iluani nalinginnaasunik annikinnerusunillu allannguinnessamut pisinnaatitaaffeqarpoq. Inissiap iluani annertuunik allannguisoqassappat, tamanna siulersuisunit akuerineqassaaq.

Imm. 2. Piginneqataasoq, tamanna ataatsimeersuartunit siumoortumik allakkatigut akuerineqarsimanngippat, illup silataani annertuunik allannguinnessamut pisinnaatitaanngilaq.

Imm. 3. Allanngortiterinerit sanasut suliaattut isumannaatsumik aammalu sanaartornermut pilersaarusiornermullu inatsisini pisortallu maleruagqusaanni allani piumasarineqartut malillugit suliarineqassapput. Sananissamut akuersissummik pissarseqqaarnissaq piumasarineqarpat, suliaq aallartinneqalersinnagu akuersissut siulittaasumut takutinneqassaaq.

Najugaqartussaataaneq aamma allamut attartortitsineq

§ 11. Piginneqataasup inissiami atuisinnaatitaaffigisamini najugaqarnissani pisussaaffigaa. Piginneqataasoq imaluunniit inuk, piginneqataasup inoqutaanut ilaasoq, ukiup ataatsip iluani sivikinnerpaamik qaammatini arfinilinni ataannartuni unnuisarpas, najugaqartussaataaneq naammassineqarsimassaaq.

§ 12. Siulersuisut piginneqataasup piginneqatigiilluni inissiat pillugit Inatsisartut inatsisaanni kapitali 8-imi aalajangersakkanut naapertuuttumik piginneqatigiilluni inissiamik inigisamini attartortitsinissaa akuerisinnaavaat.

Torersaarnissamut maleruagassat, uumasuuteqarneq il.il.

§ 13. Qanoq ilinikkulluunniit ataatsimeersuarnermi torersaarnissamut, uumasuuteqarnermut il.il. maleruagassat aalajangersaaffigineqarsinnaapput.

Imm. 2. Uumasuuteqarnerli il.il. pillugit maleruagassat atuuttut allanngortinneqarnerini pisinnaatitaaffiit atuutereersut uumasup toqunissaata tungaanut pigiinnarneqarsinnaapput.

Imm. 3. Piginneqataasup piginneqatigiilluni inissiaatillit peqatigiiffiata torersaarnissamut maleruagassaasa malinnissaannik pisussaaffeqarnini naammassisimanngippagu, tamanna piginneqatigiilluni inissiat pillugit Inatsisartut inatsisaanni § 77, imm. 1 malillugu ilaasortaajunnaarsitsinermik malitseqarsinnaavoq.

Piginneqataassutsit allanut tunniunneqartarnerat

§ 14. Piginneqataassutip atuisinnaatitaaffimmik ilaqartup tunineqarnissaa imaluunniit allatut tunniunnissaa pillugu isumaqatigiissuteqarnissamut siulersuisut kisermaassillutik aalajangiinnaatitaapput. Siulersuisut piginneqataassutinik tunniussineq tuniniaanerlu

ingerlateqqissinnaavaat.

Imm. 2. Imm. 1 malillugu allanut tunniussineq imatut tulleriinnilersorlugu tunniussisoqassaaq:

- 1) Inunnut piginneqatigiilluni inissiat pillugit Inatsisartut inatsisaanni §§ 69-72-imi pineqartunut ilaasunut.
- 2) Inunnut piginneqataasup nammineq kinguaavinut siuaavinulluunniit.
- 3) Piginneqataasumut, piginneqataassutip inoqanngitsup tiginissaanik kissaateqartumut. Piginneqataasut arlallit piginneqataassummik inoqanngitsumik tigusinissamik kissaateqarpata, piginneqataasut piginneqataasumut sivilisunermik piginneqataasimasumut tunniunneqassaaq.
- 4) Inunnut siulittaasumi allattuiffimmi allassimasunut. Allattuiffimmi siulliulluni allassimasoq allanit salliutinneqassaaq. Allatsissimasut utaqqisut allassimaffianniinnissaminik kissaateqarnertik ukiumut ataasiarluni allakkatigut uppersartassavaat, tassami taamaanngippat tassangaaniit peerneqassagamik. Ukiumut ataasiarluni utaqqisut allassimaffianniinnermut akiliummik naleqquttumik akiliisitsisoqarsinnaavoq.
- 5) Inunnut siulersuisunit innersuunneqartunut.
- 6) Inunnut tunniussisumit innersuunneqartunut.

Imm. 3. Siulersuisut imm. 2, nr. 4-mi taaneqartumik allattuiffimmik pilersitsinissamut pisussaaffeqanngillat. Allattuiffimmik pilersitsisoqarsimappat, siulersuisut piginneqataasumit qimagulluni nuuttussamit qinnuigineqarlutik, qinnuiginninnermit sapaatit akunnerisa 6-it iluanni piginneqataasussamik nutaamik innersuussinissamut pisussaaffeqarput. Taamaanngippat piginneqataasooq uniffik siulleq naapertorlugu piffissamut killiliussap naaneraniit sapaatit akunnerisa 6-it iluanni nammineerluni inummik siulersuisunit akuerineqartussamik innersuussinissamut pisinnaatitavoq.

piginneqatigiilluni inissiamut akigitamik naatsorsuineq

§ 15. Piginneqataasut akigitamut anguneqarsinnaasumut pitsaanerpaamut tunineqassaaq. Akigitap piginneqataassumut akigitat annerpaaffiat, piginneqatigiilluni inissiat pillugit inatsisit sukkuunniit atuuttut malillugit naatsorsugaq sinnersinnaanngilaa. Akigitat annerpaaffiat ukiumut ataasiarluni 31. decembari naatsorsorneqassaaq aammalu piginneqatigiilluni inissiatillit peqatigiiffiata ukiumoortumik nalunaarusiaanut ilanngullugu ataatsimeersuarnermi saqqummiunneqassalluni.

Imm. 2. Piginneqatigiilluni inissiap aamma peqatigiiffiup illuutaata aserfallatsaaliorneqarsimanninnerata nalinga siulersuisunit aammalu piginneqatigiilluni inissiat pillugit Inatsisartut inatsisaanni § 74 naapertorlugu takusaarenermi, missiliorlugu aalajangersarneqassaaq.

Imm. 3. Piginneqataassutip allamut tunniunneqarneranut peqatigitillugu pisattat aalaakkaasut, piginneqatigiilluni inissiamut immikkut naleqqussaatiqarsimasut imaluunniit ikkussorneqarsimasut, tunniunneqarsimappata, akiliutissaq killilersugaanngitsumik niuernermi nalinganut annertussusilerneqassaaq. Isumaqatigiissut allaganngorlugu pigineqassaaq aammalu siulersuisunit akuerineqassalluni.

Imm. 4. Piginneqatigiilluni inissiap aamma peqatigiiffiup pigisaata

aserfallatsaaliorneqarsimannginneranut ilanngaatisatut siulersuisunit aalajangersarneqartoq imaluunniit pisattanut akigitatut aalajangersarneqartoq piginneqataasup qimagulluni nuuttup akuerisinnaanngippagu, taakkua takusarlugit missingersuinikkullu, naliliisartumit nalilersorneqassapput. Illuatungeriit peqatigiillutik naliliisussaq kinaassanersoq toqqassavaat. Illuatungeriit tamanna isumaqatigiissutigisinnaanngippassuk, naliliisussaq Kalaallit Nunaanni eqqartuusseriaaseq pillugu inatsimmi maleruagassat malillugit Kalaallit Nunaanni Eqqartuussivimmit naliliisussaq toqqarneqassaaq. Naliliisartup nalilersuina piginneqataasumut taamatullu piginneqatigiilluni inissiatillit peqatigiiffiannut pisussaaffiliivoq. Piginneqataasup qimagulluni nuuttup naliliisartumut aningaasartuutit akilissavaa.

Piginneqatigiilluni inissiamik tunniussinermut periaaseq

§ 16. Piginneqataassutip allamut tunniunneqarnissaa pillugu isumaqatigiissuteqarnissaq sioqqullugu siulersuisut pisisussamut makkua tunniutissavaat:

- 1) piginneqatigiilluni inissiat pillugit Inatsisartut inatsisaat, piginneqatigiilluni inissiatillit peqatigiiffiata malittarisassai,
- 2) piginneqatigiilluni inissiatillit peqatigiiffiata kingullermik ukiumoortumik naatsorsuutai akuerisat,
- 3) missingersuutit kiisalu
- 4) piginneqataassutip akia qanoq naatsorsorneqarnerseq immikkoortiterilluni allattukkat.

Imm. 2. Siulersuisut tunniussinissamut isumaqatigiissummik allaganngorlugu suliaqassapput.

Imm. 3. Siulersuisut piginneqataasumut qimagulluni nuuttumut akiligassanik isumaginninnermini, piginneqatigiilluni inissiamut akilersuutip akilerneqarnissaanut aamma kiassarnermut aningaasartuutit assigisaasalu kingornatigut akilerneqarnissaannut qularnaveeqqutitut, aningaasanik uninngatitsisinnaatitaapput. Akiligassanik isumaginninneq qimagulluni nuunnginnermi pisimappat, siulittaasoq aamma aningaaserisoq pisisup tigusernermini amigaataasunik paasisaqarnermi piunasaqaatigisimasinnaasaannut matussutissatut aningaasanik missingersukkanik uninngatitsisinnaatitaapput.

Imm. 4. Tiguserernerup kingorna kingusinnerpaamik ullut 14-it qaangiunneranni pisisup piginneqatigiilluni inissiaq taassumalu pequtai, amigaateqarsimasinnaanerata paasiniarnissaa siunertarlugu, siulittaasoq aamma siulersuisuni ilaasortaq ataaseq peqatigalugit misissussavaa. Pisisup amigaatinut taamaattunut akigitap annikillineqarnissaa piunasarippagu, piunasaqaat naleqquttut nalilerneqarpat, siulersuisut tunniussisumut akiligassanik isumaginninnermi aningaasanik taamaaqataannik uninngatitsisinnaapput, taamaalilluni eqqartuussinikkut imaluunniit illuatungeriit akornanni isumaqatigiissitsiniarnikkut, kia taakkua pissarineraa aalajangiisoqarpat, aatsaat aningaasat tunniunneqassallutik.

Imm. 5. Tunniussinermi akiliutit piginneqatigiilluni inissiatillit peqatigiiffiannut tunniunneqassapput, taassumalu pissarsiassaasinnaasut aammalu uninngatinneqartussaasinnaasut ilanngaatigereerneranni, sinneruttut piginneqataasumut

qimagulluni nuuttumut tunniutissavai. Piginneqataasoq qimagulluni nuuttoq tunniussinermi akiliummi nuussinissamik nalunaaruteqarsimappat, taanna pissarsiassaasinnaasut aammalu uninngatinneqartussaasinnaasut ilanngaatigereerneranni nuussinermut nalunaarummut naapertuuttumik, tunniunneqassaaq, tamannalu ilanngaaseereerluni tunisinermi pissarsiassaqartitsissaaq.

Taamaatitsineq

§ 17. Piginneqataasup piginneqatigiilluni inissiatillit peqatigiiffianni ilaasortaanini aamma piginneqatigiilluni inissiamut atuisussaatitaanini atorunnaarsissinnaanngilaa, taamaallaalli piginneqataassutit allamut tunniunneqartarnerat pillugu maleruagassat malillugit ilaasortaajunnaarsinnaalluni.

Ilaasortaajunnaarsitsineq

§ 18. Siulersuisut imaluunniit ataatsimeersuartut, piginneqatigiilluni inissiat pillugit Inatsisartut inatsisaanni kapitali 10 malillugu tamanna pisussaaffigineqarpat, ilaasortaajunnaarsissinnaavaat aammalu atuisinnaatitaanera atorunnaarsissinnaallugu.

Imm. 2. Siulersuisut imaluunniit ataatsimeersuartut, piginneqatigiilluni inissiat pillugit Inatsisartut inatsisaanni kapitali 10 malillugu tamatumunnga inatsimmi tunnga vissaqarpat, ilaasortaajunnaarsissinnaavaat aammalu atuisinnaatitaanera atorunnaarsissinnaallugu.

Ataatsimeersuarneq

§ 19. Piginneqatigiilluni inissiatillit peqatigiiffianni oqartussaasuni qullersaasut tassaapput ataatsimeersuartut. Ileqquusumik ataatsimeersuarneq ukiut tamaasa ukiup naatsorsuusiortiusup naaneraniit qaammatit sisamat qaangiutsinnagit pisassaaq, makkua oqaluserisassatut saqqummiunneqartassallutik:

- 1) Ataatsimiinnermi aqutsisussamik toqqaaneq.
- 2) Siulittaasup nalunaarutaa.
- 3) Ukiuortumik naatsorsuutit saqqummiunneqarneri, annerpaamik akigitamik naatsorsuineq innaqalu kukkunerisuiisup nalunaarutaa kiisalu ukiumut naatsorsuutit aamma annerpaamik akigitamik naatsorsuineq akuersissutigineqarneri.
- 4) Ingerlatsinermi aningaasartuutissat isertitassallu missingersuusiortneqarnerisa akuerisassanngorlugit saqqummiunneqarneri aammalu piginneqatigiilluni inissiamut akilersuutip aalajangiiffigineqarnera.
- 5) Siunnersuutit.
- 6) Siulersuisunik kiisalu sinniisussamik qinersineq.
- 7) Kukkunerisuiisussamik qinersineq.
- 8) Pisariaqarpat peqatigiiffiup pigisaannik aqutsisussamik toqqaaneq.
- 9) Tamalaat.

Imm. 2. Ataatsimeersuartut, siulersuisuni ilaasortat amerlanerussuteqartut imaluunniit piginneqatigiilluni inissiatillit peqatigiiffianni ilaasortat ¼-ii imaluunniit aqutsisup, peqatigisaanik oqaluuserisassat suunissaat taallugu tamanna piumasarippassuk, immikkut ittunik ataatsimeersuarneq ingerlanneqassaaq.

ataatsimeersuarnermut aggersaaneq il.il.

§ 20. Allakkatigut nalinginnaasutigut, mail-ikkut imaluunniit inissiamut tunniussinikkut ataatsimeersuarnissaq ullunik 8-inik sioqqullugu allakkatigut ataatsimiigiaqqusisoqassaaq. Ataatsimiigiaqqusissummi ataatsimeersuarnermi oqaluuserisassat allassimassapput.

Imm. 2. Siunnersuutit ataatsimeersuarnermi oqaluuseritikkumasat kingusinnerpaamik ataatsimeersuarnissaq ullunik marlunnik sioqqullugu siulittaasumut tunniunneqareersimassapput. Siunnersuut aatsaat oqaluuserineqarsinnaavoq ataatsimiigiaqqusissummi taaneqarsimaguni imaluunniit assigisaanik uppersarneqarsinnaasumik kingusinnerpaamik ataatsimeersuarnissamut aqaguttoq siunnersuut oqaluuserineqassasoq piginneqataasut ilisimatinneqarpata.

Imm. 3. Piginneqataasoq kinaluunniit taassumalu inoqutai namminersorsinnaatitaasut ataatsimeersuarnermi peqataanissamut oqaaseqarnissamullu kiisalu siunnersuuteqarnissamut periarfissaqarpud. Peqataasinnaatitaasut pisortatigoortumik siunnersuisartumik imaluunniit nammineq siunnersortigiumasamik ilaqarsinnaatitaappud. Taamatutaaq peqatigiiffiup pigisaanik aqutsisoq kukkuneruisorlu kiisalu inuit siulersuisunit ataatsimeersuarnissamut aggersarneqarsimasut ataatsimeersuarnermi peqataasinnaatitaappud oqaaseqarsinnaatitaallutillu.

Ataatsimiinnermi aqutsisoq, suleriaasissaq aamma imaqarniliaq

§ 21. Ataatsimeersuarnermi aqutsisussaq ataatsimeersuarnermi peqataasunit toqqarneqassaaq.

§ 22. Ataatsimeersuarnermi suleriaasissaq peqataasut namminneerlutik aalajangissavaat.

§ 23. Ataatsimeersuarnermi aalajangiinerit imaqarniliornerat kingusinnerpaamik ataatsimeersuareernermit ullut arfineq-marluk qaangiutsinnagit siulittaasumit aningaaserisumillu atsiorneqassaaq aammalu erngerluni piginneqatigiilluni inissiatillit peqatigiiffiani ilaasortanut nalinginnaasumik allakkatigut, mail-ikkut imaluunniit inissiamut tunniunneqarneratigut nassiussorneqassalluni.

Aalajangiineq

§ 24. Ataatsimeersuarnermi amerlanerussuteqartut isumaat aalajangiisuusassaaq, taamaattorli takukkit imm. 2, 3 aamma 4. Ikinnerpaamik taasisinnaasut tamarnik affaat ataatsimeersuarnermi peqataappata aatsaat ataatsimeersuartut aalajangiisinnaappud.

Piginneqataassut ataaseq taasinermik ataatsimik naleqarpoq. Ataatsimeersuarnermi taasisinnaatitaasoq tassaavoq piginneqataasut allattorsimaffianni ateq allassimasoq.

Imm. 2. Malittarisassat allannguuteqarnissaat pillugu, nutaamik aallarniutissatut akiliuteqarnissaq pillugu, pitsanngorsaaneqarnik suliaqarnermik imaluunniit iluarsaassinermik suliaqarnermik aallartitsinissaq pillugu siunnersuutit, aningaasalersorneqarnissaanut 25 %-imit annertunerusumik ineqarnermut akilersuutip qaffanneqarnissaanik pisariaqartitsiviusut, imaluunniit maannakkut ineqarnermut akilersuutip 25 %-ianik annertunerusumik aningaasanik suliaqarnissanut taamaattunut illuatitsinissaq pillugu siunnersuutit, ataatsimeersuarnermi taasisinnaatitaasut minnerpaamik 2/3-ii peqataappata, aammalu minnerpaamik 2/3-ii amerlanerussuteqartut taasippata, aatsaat akuerineqarsinnaapput.

Imm. 3. Ataatsimeersuarnermi taasisinnaatitaasut tamarmik minnerpaamik 2/3-ii peqataangippata, kisianni najuuttut akornanni minnerpaamik 2/3-ii taasillutik amerlanerussuteqarpata, kingusinnerpaamik sapaatit akunnerisa 3-it qaangiunneranni nutaamik ataatsimeersuarnermut aggersaasoqarsinnaavoq. Taasisinnaatitaasut qassit aallartitaqarnersut apeqqutaatinnagu, ataatsimeersuarnermi tassani minnerpaamik 2/3-ii amerlanerussuteqarlutik taasippata, siunnersuut akuerineqarsinnaavoq.

Imm. 4. Pigisamik aalaakkaasumik tunisinissaq imaluunniit peqatigiiffiup atorunnaarsinneqarnissaa pillugu siunnersuutit, taamaallaat piginneqataasut tamarmik tapersiinerisigut akuerineqarsinnaapput.

Imm. 5. Ataatsimeersuarnermi allaganngorlugu piginnaatitsissuteqarnikkut, taassuma assilinera taasisoqarnissaa sioqqullugu ataatsimeersuarnermi aqutsisumut tunniunneqarluni taasisoqarsinnaavoq.

Ulluinnarni aqutsineq

§ 25. Ataatsimeersuarnermi siulersuisut peqatigiiffimmi ulluinnarni aqutsisussat aammalu ataatsimeersuarnermi aalajangiinernik suliaqartussat, qinerneqassapput.

§ 26. Siulersuisut tassaapput siulittaasoq aamma ataatsimeersuarnermi aalajangiineq malillugu siulersuisuni ilaasortat allat 2-4.

Imm. 2. Ataatsimeersuarnermi siulersuisuni siulittaasoq aamma siulersuisuni ilaasortat allat ukiunut marlunnut qinerneqartassapput.

Imm. 3. Tamatuma saniatigut siulersuisuni ilaasortanut sinniisussat 1 imaluunniit 2 ataatsimeersuarnermi ukiunut marlunnut qinerneqassapput, qanoq tulleriinnilerneqarnersut allanneqassalluni.

Imm. 4. Siulersuisut siulitaasuut aamma siulersuisuni ilaasortat 1-2 ukiumi akunnaatsumi qinerneqassapput. Aningaaserisoq aamma siulersuisunut ilaasortat 1-2 ukiumi akunnattumi qinerneqassapput. Taamaattoq piginneqatigiilluni inissiatillit peqatigiiffiat 3-5-inik ilaasortaqqarpat tamanna saneqqunneqarsinnaavoq.

Imm. 5. Qineqqusaartut marluk arlallilluunniit siulersuisunut imaluunniit sinniisussatut qinersinermi amerlaqqatigiinnik taaneqarpata, qinersineq qineqqusaartut pineqartut taakkua akornanni makitsinikkut aalajangerneqassaaq.

Imm. 6. Siulersuisuni ilaasortatut imaluunniit sinniussatut piginneqataasut kisimik qinerneqarsinnaapput. Peqatigiiffiup ilaasortai kisimik siulersuisunut aammalu sinniussatut qinigassanngortissinnaapput. Qinigaaqqittoqarsinnaavoq.

Imm. 7. Siulersuisut siulittaasup tullianik aamma allatsimik toqqaallutik nammineerlutik inissitsersinnaapput.

Imm. 8. Siulersuisuni ilaasortaq piffissami qinigaaffiusumi tunuarpat, tullianik nalinginnaasumik ataatsimeersuarnissap tungaanut sinniussaq siulersuisuni ilaasortanngussaaq. Siulittaasup tunuarnerani siulittaasup tullia, tullianik nalinginnaasumik ataatsimeersuarnissap tungaanut siulittaasup inaani atuutissaaq. Tunuortoqarnerani siulersuisuni ilaasortat 3-init ikinnerulerpata, tullianik nalinginnaasumik ataatsimeersuarnissap tungaanut siulersuisunik nutaamik qinersinissamut ataatsimeersuarnissamut aggersaasoqassaaq.

Ataatsimiinnerit

§ 27. Siulersuisut ulluinnarni aqutsineq pillugu pisariaqartinneqartutut akulikitsigisunik ataatsimiittassapput.

Imm. 2. Siulersuisuni ataatsimiinnernik imaqarniliaq ilaasortanut nalinginnaasumik allakkatigut, mail-ikkut imaluunniit inissiamik tunniussinikkut, atsiorneqarnerata kingorna kingusinnerpaamik ullut 7-it qaangiunneranni agguanneqassaaq.

Atsiorsinnaatitaaneq

§ 28. Piginneqatigiilluni inissiatillit peqatigiiffiat sinnerlugu siulittaasoq aamma siulersuisuni ilaasortaq ataatsimoorlutik atsiussapput.

Allaffissornikkut aqutsineq

§ 29. Ataatsimeersuarnermi allaffissornikkut aqutsisumik toqqaasoqarsinnaavoq, illuutigisamik nalinginnaasumik aqutsinermik suliaqarnermi allaffissornikkut aqutsisutut akisussaasuunermik qulakkeersimasussamik. Ataatsimeersuartut sukkulluunniit aqutsisoq soraarsissinnaavaat. Siulersuisut aqutsisussap suliasai piginnaatitaaffiilu pillugit erseqqinnerusumik isumaqatigiissuteqarfigissavaat.

Imm. 2. Ataatsimeersuartut aqutsisussamik toqqagaqanngippata illuutit allaffissornikkut aqunneqarnerat imm. 3-mi aamma 4-imi maleruagassat naapertorlugit siulersuisunit isumagineqassaaq.

Imm. 3. Aningaasat amerlanngitsut aningaaserisup tigummiat kisiisa pinnagit piginneqatigiilluni inissiatillit peqatigiiffiata aningaasaatai aningaaserivimmi immikkut kontomut toqqorneqassapput, taakkunangalu taamaallaat atsiorsinnaanermut maleruagassaq naapertorlugu atsiornikkut tigusisoqarsinnaassalluni. Ilaasortanit inissianillu attartortunit akiliutit tamarmik, taakkununga ilaallutik piginneqataassutininik tunisinermi isertut, kontomut pineqartumut toqqaannartumik toqqorneqartassapput.

Imm. 4. Piginneqatigiilluni inissiatillit peqatigiiffiannut siulersuisut aningaasaqarnikkut akisussaaffiannut qularnaveeqqutitut, piginneqatigiilluni inissiatillit peqatigiiffiat nalinginnaasumik siulersuisut akisussaasuunerannut sillimmasiissaaq.

Ukiumoortumik naatsorsuutit

§ 30. Peqatigiiffiup ukiumoortumik naatsorsuutai naatsorsuusiornermi ileqqorissaarnissamut naapertuuttumik suliarineqassapput aammalu siulersuisut tamarmik aamma allaffissornikkut aqutsisoq atsiussallutik.

Imm. 2. Ukioq naatsorsuusiorfiusoq ukiumi qaammatini tamaginni aallartissinnaavoq aammalu qaammatit 12-it ilaatinneqassallutik. Taamaattoq piginneqatigiilluni inissiatillit peqatigiiffiata piffissaq naatsorsuusiorfia siulleq, aamma piffissap naatsorsuusiorfiusup allangortinneqarnerani, piffissaq sivikinnerusinnaavoq imaluunniit sivisunerusinnaalluni, taamaattoq sivisunerpaamik qaammatit 18-it.

Imm. 3. Piginneqatigiilluni inissiatillit peqatigiiffiata ukiumoortumik nalunaarusiap akuerineqarnerata kingorna piaartumik taassuma assilnera pisortanut taarsigassarsititsisunut nassiutissavaa.

Kukkunersuiisoqarneq

§ 31. Kukkunersuiisumik naalagaaffimmit akuerineqarsimasumik imaluunniit kukkunersuisut nalunaarsorneqarfiani nalunaarsorneqarsimasumik ukiumoortumik nalunaarusiamik kukkunersuiisussamik ataatsimeersuartut toqqaassapput.

Imm. 2. Ataatsimeersuarnermi Naalakkersuisut kukkunersuiisup naalagaaffimmit akuerineqartuunissaa imaluunniit nalunaarsorsimasuunissaa pillugu piunasaqaatip saneqqunnissaanik qinnuteqarfigineqarsinnaapput.

Atorunnaarsitsineq

§ 32. Piginneqatigiilluni inissiatillit peqatigiiffiata atorunnaarsinnissaanik aalajangiineq ileqquusumik imaluunniit immikkut ittumik ataatsimeersuarnermi pissaaq.

Imm. 2. Sulianik unitsitsinikkut atorunnaarsitsineq sulianik unitsitsisartunit marlunnit ingerlanneqassaaq, taakkunannga ataaseq eqqartuussissuserisuussalluni akuersissummik allagartaqartoq. Sulianik unitsitsisartut ataatsimeersuarnermi toqqarneqassapput.

Imm. 3. Peqatigiiffiup pigisai nalillit tunineqareerpata akiligassallu akilerneqareerpata aningaasaatit sinneri sukkulluunniit piginneqataasunut agguarneqassapput, tassani

piginneqataassutsit nalingisa annertussusiat naapertorlugit agguaassisoqassalluni.

*Taamaalilluni piginneqatigiulluni inissiaatillit peqatigiiffiata ataatsimeersuarnerani ulloq xx.
xxx 20xx akuerineqarpoq.*

.....

[Ateq], Ataatsimeersuarnermi aqutsisoq